

# Perisian keselamatan Windows

**S**AYA baru sahaja membeli sebuah komputer riba berasaskan sistem Windows. Apakah perisian keselamatan yang perlu saya pasang pada komputer tersebut?

**-Abstract Yard, Bera.**

Dalam perbincangan ini, disenaraikan beberapa jenis perisian keselamatan yang penting dan diperlukan untuk dipasang pada sesebuah komputer. Kebanyakannya boleh dimuat turun dan dipasangkan secara percuma ke dalam komputer.

1 Dapatkan perisian antivirus terbaik yang boleh dimuat turun dan dipasangkan secara percuma untuk komputer kegunaan peribadi. Antara perisian antivirus percuma yang terbaik adalah perisian *AVG AntiVirus Free*. Perisian *AVG AntiVirus Free* juga menawarkan fungsi-fungsi lain yang bagus untuk keselamatan seperti penghapusan fail secara selamat, anti jejak dan lain-lain. Microsoft juga menyediakan perisian anti-virus percuma yang dikenali sebagai *Windows Defender*.

## Diskusi ICT



Bersama **FIRKHAN**  
sembanaict@yahoo.com

2 Perisian anti-Malware terbaik yang percuma seperti perisian *Malwarebytes Anti-Malware Free*.

3 Penggunaan perisian tembok api peribadi secara berkesan. Sama ada menggunakan perisian sedia ada, *Windows Firewall* atau pemasangan perisian pihak ketiga seperti perisian tembok api *ZoneAlarm Free Firewall* dan lain-lain. Perkara yang sangat penting di sini adalah konfigurasi terbaik dan selamat untuk paket keluar/masuk dalam rangkaian.

4 Tingkatkan keselamatan penggunaan perisian pelayar dari segi konfigurasinya dan pemasangan program keselamatan tambahan seperti *Web of Trust*, *McAfee SiteAdvisor* dan

lain-lain. Boleh dapatkan panduan keselamatan untuk setiap jenis pelayar web yang digunakan seperti *Google Chrome*, *Mozilla Firefox*, *Internet Explorer* dan lain-lain.

5 Pemasangan perisian yang akan mengemaskini setiap perisian atau aplikasi komputer yang digunakan dengan kemas kini yang terkini seperti perisian *Secunia Personal Software Inspector*.

6 Pemasangan perisian pengurusan kata laluan seperti perisian *KeePass*, *LastPass*, *Dashlane* dan sebagainya.

7 Sekiranya kerap menggunakan laman web media sosial, pasangan perisian keselamatan untuk penggunaan laman web sosial seperti perisian *BitDefender's Safego* dan lain-lain.

8 Pemasangan perisian perlindungan kanak-kanak. Dalam sistem Windows sudah ada aplikasi ini atau boleh dimuat turun dan dipasangkan secara percuma yang dikenali sebagai *Family Safety*.